



SLUŽBENE NOVINE

KANTONA SARAJEVO

Godina XV – Broj 15

Četvrtak, 24. juna 2010. godine
SARAJEVO

ISSN 1512-7052

KANTON SARAJEVO

Vlada Kantona

Na osnovu člana 54. stav 2. tačka 2. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05) i člana 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 57. sjednici održanoj 24. juna 2010. godine, donijela je

UREDBU

O IZMJENI I DOPUNAMA UREDBE O OSNIVANJU UREDA ZA KVALITET KANTONA SARAJEVO

Član 1.

U Uredbi o osnivanju Ureda za kvalitet Kantona Sarajevo ("Službene novine Kantona Sarajevo", broj 28/06 - Prečišćeni tekst) u članu 2. iza tačke g) tačka na kraju teksta zamjenjuje se veznikom "i" i dodaje se nova tačka h), koja glasi:

"h) ostvarivanje saradnje s nevladinim sektorom, u ime Vlade Kantona Sarajevo i iniciranje donošenja akata za provođenje Sporazuma o saradnji Vlade Kantona Sarajevo i nevladinog sektora u Kantonu Sarajevo."

Član 2.

U članu 4. iza riječi: "sistema kvaliteta" dodaju se riječi: "i ostvarivanju saradnje sa nevladinim sektorom", a riječi: "svaka tri mjeseca" zamjenjuju se riječima: "svakih šest mjeseci".

Član 3.

Pravilnik o unutrašnjoj organizaciji Ureda uskladit će se s ovom uredbom u roku od 30 dana od dana stupanja na snagu ove uredbe.

Član 4.

Ova uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-17172-21/10

24. juna 2010. godine
Sarajevo

Premijer
Besim Mehmedić, s. r.

Na osnovu čl. 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 8. stav (3) Zakona o obrtu i srodnim djelatnostima ("Službene novine Federacije BiH", broj 35/09) i člana 2. Uredbe o zaštiti tradicionalnih i starih zanata ("Službene

novine Federacije BiH", broj 66/09), Vlada Kantona Sarajevo, na 57. sjednici održanoj 24. juna 2010. godine, donijela je

UREDBU

O KRITERIJIMA I POSTUPKU ZA OSTVARIVANJE PRAVA NA PODSTICAJNA SREDSTVA ZA OČUVANJE I RAZVOJ TRADICIONALNIH I STARIH ZANATA - OBRTA

POGLAVLJE I. OPĆE ODREDBE

Član 1.

(Uslovi za ostvarivanje prava na podsticaje)

Ovom uredbom se utvrđuju uslovi (kriteriji i postupak) za ostvarivanje novčanih podsticaja zanatlijama koji obavljaju djelatnosti tradicionalnih i starih zanata - obrta na području Kantona Sarajevo, iz sredstava Budžeta Kantona Sarajevo.

POGLAVLJE II. KORISNICI

Član 2.

(Kriteriji za podsticaje)

Kriteriji za ostvarivanje prava obrtnika - zanatlija na novčane podsticaje su:

- da izrađuju proizvode starih i tradicionalnih zanata pretežnim udjelom ručnog rada, u manjim serijama, stvarajući finalni proizvod;
- da pružaju usluge starih i tradicionalnih zanata, pretežnim udjelom ručnog rada;
- da zanatsku djelatnost - obrt, obavljaju kao osnovno zanimanje;
- da imaju stručnu osposobljenost za obavljanje obrta ili da taj obrt obavljaju najmanje pet godina;
- da je sjedište obrta i prebivalište obrtnika u Kantonu Sarajevo i
- da obavljaju stare i tradicionalne zanate - obrte, obuhvaćene sljedećim popisom:
 1. saračka,
 2. abadžijska,
 3. užarsko-metlarska,
 4. četkarska,
 5. sedlarsko-remenarska,
 6. berbersko-brijačka,
 7. limarska,
 8. papudžijska,